

Casi 9 mil persona hayando tratamiento pa diabetes



RECIENTEMENTE Plataforma Promocion di Salud cu ta conta cu participacion di DVG, SVb, WGG, IBISA, IMSan, HOH y AZV a trece na comunidad di Aruba informacion pa loke ta Dia Mundial di Diabetes cu lo wordo conmemora durante ful luna di November.

Dia Mundial di Diabetes a wordo crea na aña 1991 pa Federacion Internacional di Diabetes conhuntamente cu WHO pa hisa e preocupacion den comunidad pa loke ta e menasa pa salud cu e malesa di diabetes ta trece cun'e. E meta principal di Dia Mundial di Diabetes ta pa conscientisa y educa comunidad riba e impacto cu diabetes tin riba famia y pa promove e rol di famia den maneho, cuido y prevencion di e condicion. E tema di e dia Mundial di e aña aki ta Famia y Diabetes. Unda lo enfoca riba 3 aspecto.

Descubri diabetes

Na Aruba un total di 8.642 persona a haya tratamento pa e malesa di diabetes den aña 2018. Esaki ta costa nos comunidad casi 5 miyon florin pa aña. Plataforma Promotion di Salud ta urgi famianan ta siña mas tocante e señalnan di alerta cu Diabetes ta duna.

Y busca pa sa si abo of bo familiar ta na risico di desaroya Diabetes tipo 2 of porta ta bibando caba pa tempo largo cu Diabetes tipo 1 sin cu nan sa di esaki. Door di no trata of maneha diabetes e malesa por conduci na condicionnan pa bida largo manera, ceguera, amputacion, problema di riñon, ataca di curason y stroke.

P'esey durante e luna di November ta urgi tur persona pa laga test nan sucu y pa haci esaki lo bay tin diferente actividad planea durante luna di November. Por tuma nota di tur e actividadnan aki riba e Facebook page di IBISA. Tambe lo bay tin un link "sa bo riesgo.com" unda comunidad por subi y test nan mes y sa nan riesgo pa desaroya diabetes tipo 2.

pay.aw
The easy way to pay

Cumpra, Order, Paga y Manda Placa cu bo celular.

Available on the **iTunes** App Store. GET IT ON **Google Play**.

Bishita www.pay.aw pa mas informacion.

Scan pa download